



2021-imut aningaasanut inatsisissatut siunnersuut.

(Aningaasaqarnermut Naalakkersuisoq)

Aappassaaneerera

2021-mut aningaasanut inatsisissatut siunnersuut saqqummeqqaaramili kingumut Naalakkersuisunut utertinneqartoq aappassaaneerera Inatsisartuni maanna suliarineqartussanngorlugu saqqummiunneqartoq Partii Naleqqamiit imatut oqaaseqarifigissavarput.

Aningaasamut inatsisissaq suli tamakkiisumik inissinngilaq taamaammallu naatsorsuutigineqarsinnaalluni suli pingajussaaneernissaanut allannguuteqangaatsiarsinnaasoq partiit isumaqatigiinniarnarat naammassippat isumaqatigiissutaasimasut aatsaat tassa qulaajavinneqarlutik inissittussaammata.

183,2 mio-imik ukiut missingersuusiorfiusut ilanngullugit amigartoorfiusussaq isertitassat allatigullu allannguutissamik saqqummiunneqartut aallaavigalugit 139,9 mio-ninut apparneri saniatigut Inatsisartut aaliangiiffigisimasaat aningaasalersorneqartussat ilanngussorpata tamakkiisoq aatsaat ersertussaavoq.

Aningaasamut inatsisissap suliarinera ilungersunarsimavoq annertunerusumik 30. Septemberimiit siullermeerneqareerluni suliarneqanngiveriarluni aatsaat ullut kingullerpiaat atorlugit kinguartitsinissamik noqqaagatta kinguartilaartariaqarsimavoq piffissaqarpiaratalu isumaliutissiissut piffissaq kingullerpaaq atorlugu isumaliutissiissut suliarinerani ullut pingasut sioqqullugu tunniuttussaagaluartoq ullut marluk sioqqullugu tunniunneqarnissaa killiffiusimavoq aatsaallu pingasunngornermi ipaassaani nalunaaquttap pingasup qaangeraa inatsisartunut ilaasortat tigooraarpaat quppernerparujussuarnik imaqartoq nalilersuinissaminnut tamakkiisumik apeqquteqarnissaminnullu killeqartorujussuarmik periarfissaqarlutik inissinneqarlutik.



partii naleraq

Partii Naleqqamiit inuiaqatigiinnut taama pingaaruteqartigisumik suliqaarluta ingerlanitsinni taamatut pisoqarnera eqqarsarnartoqartiinnarnagu isumaqarpugut iliniarfigisariaqaripput taamatut pisoqaqqinnginnissaanut aqqutissiuusuumik iliuseqarfiginissaanut.

Piffissaqarnerulluni peqqissaartumik torersumillu aningaasamut inatsisissaq inuiaqatigiinnut sunniuteqartarmat pitsaasumik suliassaavoq taamaammallu Partii Naleqqamiit neriuutigaarput pisoq manna ilinniarfigalugu siunissami pitsaaneruumik suleriuseqarnissamut aqqutissiuissasoq maannakkut sullarliorsimaneq.

Aningaasamut inatsisissaq inuiaqatigiinnut sunniuteqartaqaaq taamaammallu pingaaruteqaannarani nunap inuisa pissangatigaat qanoq porsaaffigineqassanerlutik qanorlu atugassaqartitaassanerlutik 2021-imi ukiunilu tulliuuttuni missingersuusiorfiusut tikkuussineri ilanngullugit.

Taamaammat innuttaasut sineriatsinni isorartoqisumi najugaqartut nunatta kangiani Ittoqqortoormiinngaaniit Tasiilaq, nunatta kujataa Narsarmijit, kitaani avannaarsua Siorapaluk tikillugu najugaqartut qanoq suliniuteqarfigineqarnissartik nunap inuisa pissangatigaat.

Nunap inuisa qinigaatut tulleriaarinissarput qilanaarineqarpoq taamatullu Naalakkersuisut qanoq iliuseqalersaarnersut pissangatigineqarluni.

Taamtutaaq uagutaaq Partii Naleqqamiit sunniuteqarniarluta qineqqusaarnikuusugut qineqqusaarutigut tamarviaarutigaaqut aammalu aningaasamut inatsisissamut siunersuutitta inatsisartut ataatsimiinnerini akuerineqartut ilaatinneqartussat anigaasalersuiffiginissaanut qilanaarpugutaaq. Nunatta asasatta nunap inui aallaavigalugit suleqatigeqqinnissarput tamaviaartuarnissarpullu qasukkarnagu ingerlaatuassavarput anguniakkagut nunap inui pillugit sulinitsinni.

Taamatullu tamaviaaruteqarluta sulinitsinni Partii Naleqqamiit Naalakkersuinikkut siunertavut saqqummiutuakkagut manna iluatillugu saqqummiuteqqissuakka:

1. Partii Naleqqamiit qularutigineqarunnaartutuut tamaviaarutigalugu sulissutigaarput Kalaallit Nunatta Naalagaaffinngornissaa. Kalaallit Inuiaqatigiit naqisimaneqaratik



kiffaanngissuseqarlutik politikikkut aningaasarsiornikkullu nammineersut pilersinniarlugu tamaviaarluta nunap inui pillugit suliniuteqaratta.

2. Kalaallit Nunaat, pisuussutit uumassusillit umaatsullu inuiaqatigiit pigaat taakku nunap inunut iluanaarutaasumik atorneqassasut isumaqarpugut paarilluarneqarlutillu.

3. Pilersinniarlugit tamaviaarutigaagut Inuiaat Kalaallit kinaassutsiminnik ilisimaarinnillutik tamanut pitsaasumik atugaqartitsisut naligiimmik periarfissaqartitsillutik nunaminnik ineriartortitsisut. Nunarput tamaat nunap inui aallaavigalugit ineriartorfiusoq.

4. Pilersinniarlugu tamaviaarutigaagut nunap inui Inuiaqatigiit kulturiminnik oqaatsiminnillu tunngaveqarlutik kiffaanngissuseqarlutik naligiissitaaffiusut, arnaaneq, angutaaneq sumillu upperisaqarneq apeqqutaatinnagu kikkut tamarmik nunatsinni periarfissaqarlutillu ineriartornissaat sulissutigaarput.

5. Pilersinniarlugit tamaviaarutigaagut Nunap inui Inuiaqatigiit nunaminnut naleqqussarluarsimasut nunarsuarmioqataanerlu pingaartillugu imminnut tulluusimaarutigalutik ilinniarluarsimasut inuussutissarsiornikkut aningaasarsiornikkullu imminnut napatittut pilersikkusukkatigit.

6. Pilersinniarlugit tamaviaarutigaagut nunap inui Inuiaqatigiit sumiluunniit najugaqaralarunik avatangiiseq paarilluarlugu inuussutissarsiornikkut aningaasarsiornikkullu ineriartornissamut naligiimmik periarfissaqartitaasut.

7. Tamaviaarutigaarput Kalaallit Nunaanni pisuussutinik uumassusilinnik umaatsunillu atuineq paaanerlu tamatigit Kalaallit nunap inui piginnittuutillugit ingerlatsisoqassasoq.

8. Kalaallit Nunaata aqunneqarnerani ammasumik inuillu tamat oqartussaaqataanerat pingaartillugu ingerlatsineq nukittorsartuarneqassasoq tamaviaarutigaarput.

9. Kalaallit Nunaanni innuttaasut tamarmik atugarissaarnikkut aningaasaqarnikkullu naligiinnerusumik

atugaqalernissaat Partii Naleqqap tamaviaarutiguarlugulu sulissutiguassavaa.



partii naleraq

10. Inuit pisinnaatitaaffii Naalagaaffiit Peqatigiit Aalajangersagaat nunarsuarmioqatigiinnut tamanut atuuttut Kalaallit Nunaanni malinneqarlutik atuutsinneqarnissaat Partii Naleqqap illersortuassavaa.

Partii Naleqqami anguniakkagut Naalakkersuinikkullu anguniakkagut paasineqariartuinnavipput aammalu paasineqarnissarput tamaviaarutiginerani inuiaqatigiinnut malinnaatitsiniarnerput ingerlattuassavarput ammasumik innuttaasunullu peqataatitsinissaq pingaaritatta ilagilluinnarmassuk.

Inuttaasut amerliartuinnartut paasisimalerpaat naalagaaffinngornissarput pimoorulluinnarlugu anguniarlugu suliniuteqartugut taamatullu nunap inui Inuiaqatigiit kalaallit Nunaminnut pisussutaanullu uumassusilinnut uumassuseqanngitsunullu piginnittuunerat aallaavigalugu sutigut tamatigut sulinissarput naqissusersortaratigu innuttaasunit anguniargarput paasineqariartuinnarpoq.

Kiisalu nunap inuisa Inuiaqatigiit kalaallit kinaassuseqarnitta kulturikkut minnerunngitsumillu oqaatsivut aqqutigalugit ersarissumik sutigut tamatigut sulissutiguarnissaa naqqissusertuaratigu paasineqariartuinnartugut.

Taamaammat Nunatsinni tungaviumik inatsisissatta nammasillugu suliarineqarnissaa suleqataaffigissavarput, naammassippallu inuiaqatigiinnit kalaallit taasissutigineqarnissaa sulissutigissavarput. Inuiaqatigiit Kalaallit Namminneq nunaminni allanit naqisimaneqaratik imminnut napatittut pilersinniarlugit partii Naleraq ilungersorluni sulinini ingerlatseqqittuassavaa.

Ukiuni makkunani, ulluni makkunani inuit atugarisaat pitsaanerulersinniarlugit ilungersuuteqarluta sulinerput ingerlateqqittuassavarput.

Aningaasamut inatsissaq suliaraarput inuiaqatigiinni ineriartoqqinnissaq aammalu nunap inui aallaavigalugit pitsaanerusumik inissisimalernissaq siunertarlugu taamaakkaluartoq eqqaanngitsoorusunngilagut Avanersuarmi qaammatit sisamangulersuni killilersuinerujussuup kingunerisaanik piniartut aningaasarsiorfissaqaratik inissisimammata taamatullu tunumi piniartut Tasiilami nunaqarfittaani lu taamatullu Ittoqqortoormiini Nunap pissartitaanik uummassusilinnik



partii naleraq

killilersuinerujussuaq ingajasattajaartumik ingerlanneqartoq aallaavigalugu nunami maani nunap inui aningaasarsionnaveersaartiinnarnagit qangaaniilli inuuniarnikkut ingerlassimasaannik arsaartorneratigut aningaasarsiorsinnaajunnaaginnarnagit neqissaqarnikkut allatigullu ilaqatuttaminnut pilersorsinnaajunnaarlugit inissitaasimallutik inuuniapiloortunik allaat inissisimaleratta.

Partii Naleqqamiit taakku qanoq iliuuseqarfiginissaat sakkortuumik aammaarluta Naalakkersuisut iliuuseqaqqullugit kaattuuteqaqqissaagut. Akiligassai ingerlaannarput, kisiannili isertissinnaasai imminullu pilersorsinnaanerat innerlerneqarput namminneq pisuussutiginnngisaannik qanoq iliuuseqarfigisariaqarpoq tamanna siviluallaartumik isiginngitsuusaarneqarnerat Partii Naleqqimiit paasisinnaangilluinnarparput nunap inuisa ilaasa taamatut atugassaqatitaalersimanerat qitiusumiit aaliangersakkanik aallaaveqarmat aamma tamanna akisussaassulimmik taartissaanik iliuuseqarfigisariaqarpoq.

Juulleriartulerpoq ullut nalliuttut ornitaat pillugit aaqqiisoqarniarli taamatullu aappagumut aningaasamut inatsisit aqutigalugu aningaasaliisoqarnissaa Partii Naleqqamiit sakkortuumik kaammattuutigaarpoq, qanortoq tusaaneqatiarta piniartut inuuniapiloortut qanoq paasineqatsiarlik, nipiliunnginnerat imatut paasineqartariaqanngilaq ilungersuuteqanngitsut, kialluunniit piniartunut soqutigisaqartup aammalu paasinnissinnaasup takusinnaavaa qanoq imaannaangitsigisumik inissisimanersut.

Covid 19

Nappaat sakkortuumik tuniluuttaartoq coronavirusi nunatsinni atuutinnigilaq avataani sakkortuumik sukkasuumillu tuniluuppoq nunarput avammut sakkortunerusumik matuniarli, killeqartumik Kangerlussuup akiani isaaveqalerniarta aatsaat Kangerlussuarmi karantænereeraangamik tunillatissimannnginnerallu qulakkeeraanni nunap iluani angallannermut akuleruttalerniarlik imaluunniit nuummut ataatsikkut timmersartuunneqatarniarlik arlaannulluunniit inissisimaffigisinnaasaannut taamaasilluta hoteliutillit eqqugaavallaaratik aqqqissuussiniarta. Taamaaliornikkut nunatta iluani ammanerusumik periuseqarsinnaalissaagut inuit katerissinnaalissapput



partii naleraq

aningsaat kaaviaarneri nunatta iluani sulinerulissapput inortuitinnata avataaniit isaasut killilerniartigit tuniluuttoqalerpat inuit inuunerannik naleqangaatsiarsinnaanera utaqqiinnarnagu nunatta iluani tuniluunnaveerlugu aaqqiiniarta inuit katerissinnaanngoqqissammata avataaniit isaasut killilersorluarutigut.

Nipilersortartut isiginnaartitsisartut timersortartut il.il.inuit katerissinnaanerat nuierneq ilanngullugu avammut ingerlalluarsinnaalerlugu aaqqissuussiniarta qeqertarujussuunerput atorluarlutigu nunatta iluani aningsaat kaaviaarnerunissaanut periarfissatsialaavoq aaqqissuussinissatsinnut qanoq noqqaassutiguakkatsinnut Partii Naleqqamiit tusaaneqatsiarta innuttaasorpasuit aamma tamanna kissaatigimmasuk.

Aningaasaqarneq

Kalaallit Nunaat nunap inui aallaavigalugit aningaasaqarnikkut imminut napatittoq pilersinneqassasoq Partii Naleqqamit anguniarparput. Kalaallit Nunatta naalagaaffinngornissaanut aningaasaqarnikkut ingerlatsineq nunamut namminersortumut aaqqissuussaq pilersikkusupparput. Tamannalu Kalaallinit nunap inui nammineq suliarissagaat pingaartipparput.

Pisuussutinik ulikkaarpugut aalisakkanik, ujaqqanik, aatsitassanik allanillu avammut niuernerput aningaasarsiornikkut nunatsinnut iliuqaataanerpaasussanngorlugu aaqqissuunneqarnissaa Partii Naleqqamiit pingaartitarilluinnarparput.

Kalaallit Nunaat aningaaseriveqarnikkut sillimmasiisarfegarnikkut nammineq aallaavigaluta aaqqissuussiffigineqarnissaa angorusupparput nunap inuisalu allanit naqisimaneqaratik ingerlatsisinnaanissaat qulakkeerlugu.

Aningaasanut inatsisissaq maanna aappassaaneerniagarigaluarput killiffia imaannaanngitsuuvoq aammalu maannamut pingajussaaneernissaanut allannguutissaqangaatsiarsinnaammat suli qanoq naammassineqarnissaminut inissinngikkaluortoq kialluunniit malinnaasup takusinnaavaa sumut ingerlanersugut.



partii naleraq

Pisoorsuit pisuunngoraluttuinnarnerat pissakinnerillu atugaasa
ajortikkaluttuinnarnerat akueringilarput, taamaamat inuit atugaasa
naligiinnerulernissaat ilungersuutiguarparput Partii Naleqqamiit.

Nunarput tamaat isigalugu ineriartortitsisariaqarpugut

Aninggaasanut inatsisissaq nunap inuinit tamanut taakkulu atugaannut
periarfissaannullu sunniuteqartaqaaq, tassalu naatsumik oqaatigalugu nunap inuisa
ulluinnarni inuunnerannut aningaasaqarnerannut nunatsinni sumiikkaluaraanniluunniit
sunniuteqartarpoq.

Qitiusumi aaliangersakkat aningaasaliinerillu allannguutit
annertunngikkaluaraangataluunniit inuiaqatigiinnut sunniuteqartaqaat.
Taamaammallu Partii Naleqqamiit pingaartitarilluinnarparput nunarput tamaat
isigalugu aningaasaliinerit aaqqiissuteqarnerillu ingerlanneqartarnissaat ulluinnarni
nunap inuisa inuunnerannut sunniuteqangaatsiarlutik assigiinngitsutigut
kalluaasinnaasarmat.

Namminersortutut ingerlataqartunut sineriammi sunniuteqartaqaaq taakkulu qanoq
atugaqarumaarnissaannut, ukiut kingulliit amerlavallaat aningaasamut inatsisissap
isorliunerusuni nunaqarfinnilu aammalu illoqarfinni akunnattumik angissuseqartunut
annertoorujussuarmik sunniuteqartarsimavoq, sumiiffippassuarni
aningaasaliissutaasartut amigaannaratik annikippallaaginnaratik sumiiffippassuit ukiut
amerlavallaalersut uninngatinneqarsimmamata, tamakku ilanngullugit ataavartumik
ingerlaqqilernissaat aningaasaliiffigisariaqarlunnalersut Partii Naleqqamiit
ilungersuutiguarparput qanortoq taakku pillugit oqariartuutigut aamma
tusaaneqatsiarlik.

Partii Naleqqamiit neriuutigilluinnarparput aningaasamut inatsisissami
Pingajussaaneerinnissimaut nunarput tamaat isigalugu politikikkut
isumaqatigiinniartoqareerluni nunarput tamaat peqataasusanngorlugu aaqqiisoqarluni
inissittoqassasoq.



partii naleraq

Nunarput taamaat isigalugu pilersaaruteqaannarata qanoq inerisaassanersugut siunissaq ungasinnerusoq isigalugu pilersaarusiortariaqalerpugut. Nunatsinni inoqarfiit illoqarfiit tamarmik nunaqarfiit qanoq inerisaaffigissanerigut aaliangersaaffigalugillu siunissamut isigisumik tulleriaarinikkut pilersaarusiortifigisariaqalerparput.

Pisariaqarpoq nunatsinni aningaasaqarnikkut ingerlatsineq nutaamik aaqqissuuteqqissallgu, ingerlatsinermut aningaasartuutit nunatta inuinit tuttartussanngorlugit aaqqissuussisariaqarpugut, avataaneersunik pilersaarusiorsinnaannginnitta aningaasarsiutigivallaarpaatigut nunap inui pisinnaapput atorluarnerusariaqarpagut.

Naalackersuinikkut suliassaraarput nunatsinni aningaasat sunut, kikkunnullu torarnissaat oqaloqatigiilluarnikkut ingerlaavartumik aaqqiivigisassallugu nunap inuinit iluaqutaanerungaartumik.

Ullumikkut aningaasarsiaqarnerit aningaasarsiakkinerillu akornanni nikingassut annertusiartuinnarpoq, tassa pisoorsuit pisuunngoraluttuinnarput, piitsut piitsunngoraluttuinnarlutik, tamanna aningaasamut inatsisissami aamma suli annertusarniarneqaqqippoq.

Danskit nunatsinnut tapiissutaat (bloktilskud) aammalu danskit nunatsinni pisussaaffimminnut atortagaat ilanngullugit 5 mia.kr. sinneqarput, taakkuali sipporujussuarlugit danskit utertittarpaat, tassami nunatsinniit nioqqutissat Danmarkimiit pisiarisartakkavut ukiumut 5 mia.kr. sinneqarput.

Aalisakkanit qalerualinnillu avammut tunisatsiniit iluanaarutit tamangajammik danmarkimut nakkartarput, taakkuli isertuunneqartuaannarput.

Qallunat suliffeqarfiuterpassui nunatsinni sanaartornermik ingerlatsipput taamaasillutik aamma sanaartornikkut mia.kr arlallit danskinit nunatsinniit aninneqartarput, aammalu puiussanngilagut nunatsinni pisortani namminersortunilu sulisorpassuit danskiummata, taakkualu aningaasarsiaqartitaanerannut mio.kr.-nerpassuit atorneqartarmata.



partii naleraq

Nunarput aningaasarsiutaavoq annertuumik avataaniit tamannalu ullimiinnaq piunngilaq siusinnerusukkut aatsitassarsiornikkut isertinneqartartorpassuit iluanaarutaasunillu akileraarusiinerit Danmarkimut tutsinneqartartut nalunngilarput, soorlu Maamorilimmiit aatsitassanik avammut tunioraaneq tamavimmi Qallunaat nunaanniit ingerlanneqarsimasoq. Taamaammat nalunngilarput Qallunaat nunallu europamiittut Nunarput ukiuni 300-ngulersuini aningaasarpassuarnik pissarsiffigisarsimagaat aammami nunarput 1953-ip tungaanut aningasaqarnikkut imminut napatittumik ingerlasimavoq.

Taamaammat Kalaallit Nunarput Qallunat nunaanniit maannamut tapiissutigisartagaminerinut ajuusaarutissaqanngilluinnarpugut inuiaat kalaallit.

Tassunga ilanngullugit sanaartornermi atortorineqartartunut nunatta pissarititai annerusumik atorneqarnerunissaat anguniarparput. Siku Blockitut ittut aamma nunatta pissarititai allat atorlugit sanaartornermi atortussanik sanaartorluni tunisaassiornerit aallartisarneqartariaqalerput. Piginneqatigiilluni ingerlatsisarneq kalaallit kulturiannut naleqquttoq atorneqarluni siuarsaasariaqalerpugut.

Kalaallit nunarput nammineerluni ingerlatsiqategiiffinnut aqutsisoqarfeqalernissaa (selskabsstyrelsen), Partii Naleqqamiit pingaartitaraarput taamannalu sulitigisariaqarpoq, nalunaarsuiffeqalissallunilu (selskabsregister). Nunatta aningaasaqarnikkut nakkutilliisoqarfia nunatsinni pilersittariaqarpoq, nunattalu aningaaserivissua issitsumi aningaaserivissuaq pilersinneqartariaqarluni.

Nunatsinni Imarsiornermut aqutsisoqarfik pilersinneqariaqarpoq, angallatinullu nalunaarsuiffik pilersinneqarluni. Taamatut akisussaaffimmik ingerlatsilernitsinni imarsiornermi nunarsuarmi piunngitumik ajuunngitsumik naammassineqarsimasarnissaat nakutigineqassaaq.

Akileraartarneq Nunarput akileraartarnikkut pisariitsumik paasiuminartumillu ingerlatsiviussaaq, inuit tamarmik paasisinaasaannik pisortat ingerlatsissapput. Nammaqatigiinneq anersaaralugu nunarput ingerlatsiviussaaq, aningaasarsiornikkut pisuut pissakinnerillu akornanni nikingassuseq nakkutigeqqissaarneqarluni annertooujussuanngortinnaveersaarneqassaaq. Akileraartarnikkut aqqissuussinerit



partii naleraq

inuit atugarissaarnikkut aaqissungaanerannut aserutserisuunatik iluaqusersuisuussapput.

Pisussutinik akitsuusersuinerit ingerlanneqartassapput ingerlatsinikkut imminut akilersinaassuseqarnissaq mianeralugu. Nioqqutissanik akitsuusersuinerit ingerlanneqartassapput innuttaasut inuuniarnikkut pisariaqartitaat aningaasaqarnikkullu atugarisaat mianereqqissaarlugit. Akitsuusersuisarneq pillugu inatsisit nunatsinnut inuinullu naleqquttut pilersinneqassapput.

Pisuussutit uumaatsut uumassusillillu atuisunut akitsuusersorneqarsinnaapput, ingerlatsiviit imminnut akilersinnaassuseqarnissaat mianeralugu. Innuttaasut aningaasaqarnerat Naalakkersuisut oqaatigisarpaat nunarpunngooq aatsaat taama aningaasaqarnikkut ingerlalluartigaaq, kisianni Nunatsinni innuttaasut aningaasaqarniarnerat isinik allanik isigigaanni taamaanngilaq, nunatsinni ilaqtariippassuit aningaasaqarnikkut ilungersunartorsiorput, inuuniapiloorput Aningaasarsiorneq eqqarsaatigalugu killeqarluinnartumik tunisassiorfiit aalisakkanik tigooraanerisa aalisartut eqqissillutik aalisarsinnaanerit killilersorneqartoq. Partii Naleqqamiit arajutsisimanngilarput, tunisiniartarnermi killilersuineq iluarsartuuttariaqarpoq aalisartup eqqissilluni aalisarsinnaanissaa eqqarsaatigalugu anguniarlugulu.

Partii Naleraq isumaqarpoq nunatta aningaasaqarneranut annerusumik aningaasarsiornermik isaatitsiviusut nunattalu avammut niuerutaannik annertuumik malunnaateqarluinnartumillu isaatitsisuusut tassaasut aalisartut illoqarfinni nunaqarfinnilu isorliunerusuneersut, paarlattuatigut nioqqutissat akiinik apparsaavigineqanngisaannartut illoqarfissuarnut ineriartortinneqartunut sanilliullugit.

Kaammattuutit Taamannak oqareerluta Nunatta aningaasaqarnikkut inissisimaneq pillugu pitsaanerulersinniarlugu anguniarlugu Naalakkersuisunut Partii Naleqqamiit makku kaammattuutiniarpavut.: 2021-imut aningaasanut Inatsisissaq amigartooruteqarfiunngitsoq Naalakkersuisooqatigiit naammassisinnaanngimmassuk, Inatsisartut aningaasaqarnermut ataatsimiititaliaata naammassissagaa. Mittarfissuarnik sanaartorneq nutaamik akikinnerusunngorlugit



partii naleraq

aaqqissuuteqqinneqassasut Covid19 pissutigalugu aningaasaqarnikkut atugaalersut sulii ukiorpaalussuarni atuussinnaammata. Mittarfissuit qulaani taakkartukkavut atorineqassappata aningaasarpassuit inuit atugaasa pitsanngorsarnissaannut atorineqarsinnaalissapput.

Aningaasat Nunatta pisussutaanit pisut annissuunneqarnerat pillugu piaarnerpaamik qanoq iliuseqassasugut, taamalilluta nunatsinni aningaasarsiorneq qaffassarniarlugu. Aalisakkat nunatsinnit aningaasatigut pissarsissutaasarnerat annertusarniarlugu siusinnerusukkut oqallisaasartut naapertorlugit suliniutit ingerlaannaq aallartinneqassasut.

Sinerissami piffinni assigiinngitsuni ukioq kaajallallugu aalisagartassaqaartuarnissaq qulakkeerneqassasoq. Aammalu nunatta avannaani ukiup naanissaanut qaleralittaasat aaqqiivigineqarnissaat isumagineqassasoq, soorlu Uumannap Ilulissallu eqqaanni qaleralittaassaqaarnissaa qulakkeerneqassasoq.

Qaleralinnut akitsut 4 %-soq peerneqassasoq. Ingerlatseqatigiiffinnut akileraarut selskabsskat 2021-imi appartinneqassanngitsoq, kisianni siunissami suliarilluakkamik ingerlatseqatigiiffinnut akileraarutip 15 %-timut appartinnissaa suliarineqarluni aallartinneqassasoq.

Ingerlatseqatigiiffissuit Nunatsinnut iluaqutaaninngorlugit ingerlatsisussanngorlugit piimaffigineqassapput, aamma siulersuisui kalaalinngorsarneqassapput. Nunatsinni sanaartorneq Nunatsinni najugaqavissunit ingerlanneqartalissasoq avataaneersut ingerlatseqatigiiffissuit aningaasanik annissuiuartut naammalermata. Aammalu ssuliffeqarfiit nunatsinni ingerlatsereersut sapinngimmata. Sanaartugassanut pisortat aningaasaliissutaat sinerissamut siammarnerullugit aaqqissuusseqqittoqassasoq. Ilanngaasivik pilersinneqarnermigut ingerlanneqarnissamigullu akisoorujussuaq unitsinneqassasoq, tassungalu aningaasarpassuit atorineqartussaagaluit pissakinnerusut utoqqaallu atugarisaasa pitsanngorsarnissaannut atorineqassut. Sulisoqarnermut akitsuut atorunnaarsinneqassasoq inuiaqatigiinni iluaqutaanera annikippallaaqimmat, illuatugaatigullu ingerlanneqarnera inuiaqatigiinnut akisuallaarluni. Ineqarnikkut aaqqissuusseqqinneq nutaamik suliarineqassasoq,



partii naleraq

inissiani attartortittakkanik ingerlatsinerup ajalusuunnginnerani, akisuvallaalinnginnerani.

Meeqqat atuarfiat pillugu Kommuunit tamarmik pisussaaffimminnik nammassinnaanissaat qulakkeerniarlugu kommuuninut tapissutit nalilersoqqissaarneqassasut, aamma ilinniartitsisunik atorfinittitsisernerup qitiusumut nuutsinnissaa nalilersorneqassasoq.

Pisortat allaffeqarfiini aammalu pisortat suliffeqarfiutaanni avataaniit atorfinittitsisarneq unitsikkallarneqartariaqarpoq, nunatsinni najugaqavissut aamma ilinniarsimasut suliffeqarnissaat qulakkeerniarlugu. Nunatsinni suliffissaaleqinerup % aaliangersimasoq angugaagangu avataaniik sulisussarsiortarneq unitsillugu nunatsinni suliffissaaleqisunik sulisitsisarnissaq aallartittariqalerparput, ilinniarsimasortavummi suliffissaqaratik nunaminni kiinangutinneqarnerat taamaanga killeqartariaqarmat.

Suliffeqarfiit tamarmik praktikkerfittut ilinniartoqartalernissaat piaarnerpaamik aqutissiuunneqassooq. Perorsaasut aningaasarsiaat malunnaatilimmik qaffaaffigineqassasut, perorsaasut taakkuummata allanut naleqqiullugit akissaasersorneqarnikkut kinguaattoorfiulersimasut.

Tamannalu pissutigalugu meeqqerivinni sulisussaaleqisarneq takornartaajunnaarsimalluni. Meeqqat tamarmik meeqqanut paaqinnittarfinni inissaqalernissaat qulakkeerneqassaaq. Inuusuttut tamarmik ilinniarfeqarnissaat suliffeqarnissaalluunniit qulakkeerneqartassaaq. 8 2021-imiik 66-nik ukioqalernermit utoqqalinersiuteqalersarneq eqquteqqinneqassasoq. 2023-imiit utoqqalinersiutit Qallunat nunaanni folkepensioniatut aaqjissuunneqassasut, annertussusaasalu annertoqataannik aaqqiivigalugit. Qeqertani, Naajaani Nutaarmiunilu KNI-Pilersuisup pisiniarfeqalernissaa Naalackersuisut aqutissiuutissagaat. Nunaqarfiit suli illu suliveqalersimangitsut tamarmik illu sulliveqalernissaat aningaasaliiffigineqassasoq.

Nunatsinni taama issittartigisumi nunap inui angerlarsimaffeqanngitsut Partii Naleqqamiit akuerinngilluinnarparput taamaammallu mittarfissuarnut milliardtilikkaanik akissaqarniarluta nunap inuisa ilungersortut angerlarsimaffeqaratik



partii naleraq

aqqusinermiiginnarnissaat akuerinngilluinnarparput. Ullaakkut iteraangamik unnugu sumi sinissanerlutik nalulluguluunniit inissisimasuusartut akuerineqarsinnaanngilluinnartoq Partii Naleqqamiit isumaqarpugut.

Qujanaq